

19  
20

DE  
**VITA ET MORTE,**  
UTRIUSQUE ITEM AD-  
(JUNCTIS ET CAUSIS.

**DISQVISITIO MEDICA,**  
PRÆSIDE AC MODERATORE  
Clarissimo & Excellentissimo  
VIRO,

DN. D. EMMANUELLE STUPANO,  
PHILOSOPHO ACUTISSIMO, ET MEDICO  
Theorico, in perpetuata Rautacorum Academia  
Professore celeberrimo, Præceptore suo  
Parentis instar æternum  
colendo.

*SUPERVM AVSPICIIS, ET INDVLTV*  
Magn. & Grat. Medicor. Basileens.  
(Collegii,

Ingenii exercendi gratiâ,  
ad d. 7. Maii

I OHANNE PFANNER O,  
VIENN. AVSTRIACO.

*APOLLINÆ AE PROLI*  
exhibita & objecta.

Non vivere, sed valere Vita est. SOCRAT.

Basileæ, Typis Johani Schröteri.

Ann. M. D C. XXVIII.

VENERANDA CANITIE  
VERA PIETATE ET PRUDENTIA  
singulari, conspicuo Viro integerrimo:

D N.

JOACHIMO PFANNER O  
SENIORI, QVONDAM VIENNENSIVM.  
Senatori Amplissimo, nunc Ulmae degenti,  
PARENTI MEO AETERNUM.  
Reverendo, suspiciundo:

Hancce Thesum Medicarum Centuriam  
SUBMISS. ET OBSERVANTISS. ANIMI  
INDICEM SACRAM ESSE OPTAT.



N, offero tibi PATER *ob servande*, studii mei Medici primitias, & quale quale lucubrationum progressuumq; meorum specimen: *serum* forsitan, at cultus in te mei testimonium *serum*, affectusq; mei in te filialis ob sidem religiosum: *Exile* fateor domum, si cum illis, quibus ab incunabulis cumulasti me, & plenâ manu cumulare pergis identidem, conferatur beneficiis & officiis: *in quo* hercle si quid formæ, si quid virium, si quid gratiæ, si quid iudicij est & ingenii, id muneris tui est universum: *Per Te* enim hâc ipsâ luce (*singulari Dei beneficio*) fruor; Nec *vix* duntaxat per te, & valeo, sed magnâ sanè curâ tuâ, tuo studio & labore tuo educatus; munificentia tuâ in florentissimis GERMANIAE Academis præstabilium scientiarum sacris initiatus, in iisdem etiamnum *inlyto* hoc RAVRACVM in Athenæo, formari me, firmarique percuras munificentissime: Nec in cassum spero fiet id, indulget modò vitam DEVS, ac gratiæ scientiæque incrementa omnis Scientia & Sapientiaq; inexhaustus fons, Luminum PATER benignissimus largiatur. Quim, ut grandavum te, tuosque, meos immò, calamitosissimo hoc in Reipub. & Ecclesiæ statu, inexhausta bonitate, & benignitate, ad extremum usque vita halitum, complectatur; & tandem CHRISTI merito partâ, vitâ aeternâ. beet, supplexveneror. AVE & VALE PATER *ob servande*.

Scripsi BASILEAE, currenti calamo, Calendis  
Maii, Anno à partu Virgineo 1628.

Amplitud. Tua Ob sequentiss. Filius

JOHANNES PFANNERVS  
A. & R.



## THESIS PRIMA.

Iicuti mors omnium ultima linea rerum : Malum, quo non terribilius ullum : lib. 3. Ethic. c. 6. ita vita hæc<sup>1</sup>, per se & natura sua (*aliud Bonum nullum eam consequatur quanquam*) Bonum ingens, l. 9. Eth. ad Nicom. c. 9. ab universo animantium ordine expetitur unicè, protegitur studiosissimè. l. de sens. & sensib. Nūm ergo homo, vitæ avidissimus, per quæ vivat, non meditetur? opprobrium foret

### II.

Vita (*ut à Definitione ordinar*) Animæ & corporis animati, ab utriusque illius unione dependens, est actus, & exercitatio. l. 2. de anim. c. 5.

### III.

Mors econtrà omnium animæ functionum (*propter illius ex corpore discessum & compositi dissolutionem*) abolitio est & omni-moda cessatio. Ibidem.

### IV.

Alii: *causal*i Definitione describunt Vitam, quòd sit caloris nativi, cum humido radicali conjunctio, & in corpore permanfio. Mortem autem quòd sit caloris insiti extinctio, & à radicali humido divulfio.

### V.

Actus nomine, nō tām ipsas actiones & opera quām vigorem & vim, à qua opera promanant quasi, intelligere oportet.

### VI.

Insuper Animæ & hujus ergastuli connexus, adeò ad vitam necessarius, ut sine illo, Vita, ne tantillum quidem subsistere possit.

### VII.

Anima *cum primùm* ad corpus accedit, præstò est vita, *quo mo-*mento à corpore secedit, interit vita.

### IX.

Vinculum autem & copula Animæ cum Corpore, præter

ipos Spiritus, Caloris nativi & humidi nobis complantati, jucunda existit Symmetria.

### I X.

Vita enim (reliquæ qualitates primæ, tametsi & ipsæ ad vitam necessariæ) cum primis in Calido & (hujus pabulo) Humido insito consistit, eorundemque propter interitum & consumptionem, interit.

### X.

Hinc videmus omne animatum corpus vivens, ab ortu suo calidum esse & humidum. l. 2. de anim. tex. 48. Caloris insuper ministerio omnes vitæ procurari functiones, in confessu est.

### X I.

Denique Calido & Hūmido vigentibus, florere & vigere, languentibus autem marcessere & ad exitium præcipitari viventia cuncta. Ibid.

### X II.

Quod ipsum Poëta sequentibus scitissimè docuit:

Ergo quod hoc vivunt vivunt quæcunque sub orbe  
Seu stirpes, seu sint homines; animalia seu sint  
Spiritus intus agens; & vis innata caloris  
Hic calor, hic unus vitam fovet, atque per omnes  
Infusus partes latè dominatur: at idem  
Ipse sibi solito pariter nutrimente gaudens  
Pascitur, & victu vires conquirit amica  
Humor hic est substantifcus, similaribus intus  
Partibus adfusus, pinguis, multoq; refertus  
Aëre, qui donec calidum fovet, ipsa foyetur  
Vita calore suo, verùm illo depereunte  
Hic perit, & vitam permutans morte, recedit.

### X III.

Porrò tūm calorem tūm humiditatem primigeniam (vite duces & moderatores benignissimi) necesse est temperatam & moderatam esse.

### X IV.

Nimirum Calor naturâ suâ mitis & blandus, fomento velut & pabulo non quolibet, nec quantocunque sanè haud paucō, nec crasso aquoso, sed proportionato sibi, naturæq; suæ anago,

lōgo, tenui, spirituoso pingui & oleoso, sustentatur & conservatur.

### XV.

Quale, à semine, & sanguine menstruo, generationis nostrae principiis obortum, à primo statim ortus nostri momento toti corpori nostro, omniq; hujus particulæ inesse deprehenditur.

### XVI.

Humidum requiritur primò copiosum, exquisitè debinc temperatum, insuper pingue, ab excrementis defæcaturū probè, & maximè elaboratū, ipsiq; putredini quām minimè obnoxium.

### XVII.

Copiosum, dixi, hinc majora animalia, majoresque plantas, maximâ ex parte, minoribus vivaciores novimus, quod ibi, magis spatum quām hic, calori nativo, ad depascendum humidum concedatur.

### XIX.

Insuper in universo ferè animantium genere, maribus longiorem vitam Natura concessit, quām fœminis, quòd illi, his, & calidiores sunt, & magis succulentí.

### XIX.

Quòd enim mares, citius interdum occumbant, quām fœminæ, illud non nisi ex accidenti propter intervenientes tam animi quām corporis motiones, injuriasque externas fieri putandum, ita ut iidem, hasce si devitarent modò studiosius, juventutem ætatem facile consequiri possent.

### XX.

Neque verò satis est ut luxuriet, sed in primis ut à sordibus depuratum humidum, symmetrum sit & pingue, requiritur.

### XXI.

Primùm quòd pingua quæ sunt, de Aëris quoq; & Ignis natura plurimum participantia, putredini quām resistunt potentissimè, nec facile exiccati possunt & concrescere.

### XXII.

Deinde cùm per experientiam constet homines, grandiora animalia quām plurima, (humidi radicalis minorem quidem molim, majorē autem eucrasian. substanciali & subtilitatem quia obtinent) longevitate multis modis superare.

## XXIII.

Adeoq; humidi connati nobis largioris defectum, ac quantulamcunq; copiam, ejusdem qualitatum moderatione & benignitate, compensari quam efficacissime.

## XXIV.

Pariter in confessu est, propter adductam rationem, Aquatilia brevioris vitae esse, quam Gressilia,

## XXV.

Excrementorum ad hæc, Pituitæ cum primis & Melancholie, in corporibus luxuriam, subitanæ mortis causam existere, & bile flavâ quotquot carent animantia (*cujusmodi sunt, Cervus, Delphinus, Camelus*) quam-maxime longæva esse, docent Philosophi naturales.

## XXVI.

Ex temperamentis denique & hominum naturis, vivaces, eas quæ temperatæ & ad calidum ac humidum modicè inclinant, videlicet sanguineæ; Ab hâc econtrâ quæcunque procul recedunt, brevioris esse ævi, quam certissimum est.

## XXVII.

*Cholerica* enim constitutio humidi parum obtinet, calidum habet acre & mordax.

## XXIX.

*In Phlegmatica*, Calidum minori quam convenit adest copia, Humidum autem est aquosum fluidum.

## XXIX.

*Melancholica* complexio, frigida sicca, utraque qualitate sua, vitae principiis quam est adversissima.

## XXX.

Enimvero nativus calor, ad Radicale humidum, cum perinde ac flamma ad oleum seu sævum habeat se; & proinde in perenni fluore positus, continua indigeat per alimentum paranda restauratione: sicuti etiam flamma subinde affuso oleo, foveri debet: hinc quanta ad vitam conservandam, Nutritio- nis existat necessitas, quam est apertissimum.

## XXXI.

Unde rursum scitè Poëta dicit;

Sed calor innatus, quia depopulatur abunde

*Humida primigeni succi fundamina, & omni  
Tempore transpirat, toto se corpore fundens  
Halius, hinc opus absumtum quo grata liquorem  
Restituant alimenta, suoq<sup>z</sup> humore priorem  
Humore irrorent.*

### XXXII.

*Alimentum, quò naturæ nostræ familiarius, ac corporis no-  
stri substantiæ similius, eò ad defluxum hunc reparandum, &  
ad ipsius vitæ tutelam, est accommodatus.*

### XXXIII.

*Necessum ergò, intrò sumpta, converti in chylum, hunc, He-  
patis vi mutari in sanguinem, Sanguinem postea, gradatim ela-  
boratum, in humorem alimentalem (quem adquisitum vocant)  
abire, qui tandem quod de humido radicali, à calore interno si-  
mul & extraneo consumptum est, refarcit jugiter & reponit.*

### XXXIV.

*Quo posito haud injuriâ quæritur, nunquid hac ratione, Vita  
præsens in perpetuum protrahi queat? Ubi notandum, fieri hoc neu-  
tiquam posse: Cùm in consumpti humidi locum, quæ succe-  
dunt, ab iis quæ evanuere, integritate deficiantur: & ipsis longè  
deteriora, ac perfectè assimilari nequeuntia, insitum humidum  
cōinquent.*

### XXXV.

*Hinc fit, ut tandem, idoneo instrumento calor destitutus, ad  
interitum vergat, ipseque animalis subsequatur interitus.*

### XXXVI.

*Ex quibus jam liquet opinor, ad vitam & vivacitatem pluri-  
mū momenti habere sex res non naturales: cuiusmodi sunt,  
Aér, Cibus & Potus, Motus & Quies, Somnus & Vigilia, Excreta, Reten-  
ta, Animi pathemata dēnique.*

### XXXVII.

*Uti enim recto & legitimo illarum usu, sovetur; ita earun-  
dem abusu & vitio, Vita vitiatur, ejusdemq<sup>z</sup> abrumpitur filum.*

### XXXIX.

*Conferunt in primis cœlestium corporum influxus, variijq;  
syderum aspectus: cùm enim inferior mundus: lationibus quæ  
in obliquo circulo, Zodiaco fiunt, gubernetur, hinc non est  
dubium.*

dubium, quin nunc beneficæ, nunc adversæ qualitates, viventibus impressæ, hæc aut vegetent; aut ad interitum agant.

X X X I X.

Qualitatem Soli, Regionisque constitutionem, quod attinet: constat propter cœli terræque clementiam, homines esse quam vivacissimos, & maximè vegetos.

X L.

In universum certum est, quæ calidas incolunt regiones, animalia, diutius vivere, quam quæ in frigidis degunt locis & palustribus.

X L I.

Eadem de causa etiam salubriores, & ad vitam protrahendam aptiores videntur Regiones sublimiores, spiritu & aëre, undique afflati solitæ.

X L I I.

Immò & civitatum, domorum, & conclave diversi situs, diversitatem salubritatis, diversumque vitæ statuunt terminum.

X L I I I.

Oriens tenuem, subtilemque reddit aërem, Occidens crassum, & Plagæ septentrionales, frigidiores sunt minusque salubres, meridionalibus.

X L I V.

Siccam pariter anni temporis, aerisque constitutionem novimus salubriorem longè, quam ipsa est pluviosa: In hac siquidem humorum summam ob colluviem, indies accrescentem, putredines frequentissimas oboriri, & nativum calorem facile obrui, contingit.

X L V.

De alimentis quantum valeant, ante monui, quibus & sequentia addimus.

X L VI.

Optimam hîc esse Temperantiam, deterrimam tum Ingluviem & Crapulam, tum Ciborum diligentiam.

X L VII.

Hæc, perpetuò enim in motu consistens calor, alimento deficiente, in ipsas agit superfluitates, & substantificum depopulatur.

pulatur humidum, unde ipsum ante diem interitum, subsequi  
necessum est: haud aliter ac lucernæ flamma, oleo parcius affu-  
so, extinguitur.

### X L I X.

*Illa, nativum obruit & planè suffocat calorem, omnisque ge-  
neris morbos, pestiferasq; furias inducens: Lethi corripit gra-  
dum, unde etiam eandem illam Medicorum nutriculam, scribit Cel-  
sus, longè plures interficere, quam gladium.*

### X L I X.

Econtrà Diætæ studiosi, ob expeditissimam caloris operam:  
& durabiliores multò, & ad vitæ munia cuncta habiliores, iis,  
qui luxui & deperditæ voluptatum libidini, emancipati; vix  
dimidium vitæ suæ assequuntur terminum.

### L.

*Vides ( ait Poëta ) ut pallidus omnis  
Cœna defurgat dubia? quin corpus onussum  
Hesternis vitiis animum quoque prægravat una,  
Atque affigit humo divine particulam auræ.  
Alter ubi dicto citius, curata sopori  
Membra dedit, vegetus, præscripta ad munia surgit.*

### L I.

*Labor & quies, mediocritatis transiliens limites, vitæ cursum  
abruptit potentissimè: Sicut: econtrà moderata exercitatio, calo-  
rem naturalem, ipsamque vitam promovet, & fovet beni-  
gnissimè.*

### L II.

*Quatenus scilicet naturæ opera omnia concoctiones cum primis  
tres, excrementorumq; ex corpore excusiones adjuvat & perficit,  
quas in vitâ sedentariâ & otio deditâ, impediri, quam est cer-  
tissimum.*

### L III.

*Vt autem laboris, ita & vigiliarum excessus, ( quatenus per  
hunc, somno, animalium functionum feriis quasi & quiete impedita,  
Vires animæ exolvuntur, humidumq; nativum consumitur ) ad vitam  
parùm opportunus.*

### L IV.

*Sic qui Epimenideo velut somno profundiore obruti, dor-*

miendo, cum gliribus quasi decertant, superfluitates excrementitias, (à quibus radicalis humor squalidus & impurior redditur) dum congerunt, mortem sibi accelerant.

## L V.

*De intempestivâ, nimiaq; Venere quid dicam? sanè & humido radicali & hujus soboli vitæ, noxas omnino infert illa, irreparabiles, dum corpus exiccat, nervos enervat, viresq; Animæ cunctas dejicit & resolvit, quæ forsitan ratio, quod passeris masculi, brevioris multò vitæ sunt, ipsis fœminis.*

## L VI.

Eodem modo incommodant vitæ, & plūs nimis humorem nativum consumunt, omnis uberior justo evacuatio, universalis, particularis, hæmorrhagia e.g. diarrhœa, sudor, &c.

## L VII.

Nec alia est ratio animi pathematum, moderatum e.g. gaudium, calidum nativum, vitalem quin & sanguinem, ac spiritus, ex corde, per arterias in universum corpus deducens, & proliiens idipsum vivificat omnino & vegetat, ast lætitia eadem exuperans, calore & spiritibus vitalibus confertim exhalantibus, syncopem & mortem repentinam inducit frequissimè.

## L IIX.

*Similiter, curæ immoderatores, metus & tristitia longo tempore perseverans, motibus inordinatisimis, cor exagitando, calorem insitum suffocat, spiritusque dissipat: unde, marasmus, macies, & præmatura sequitur mors.*

## L IX.

Ex quibus liquet: Res non naturales septem: opportunè quidem adhibitas, prolongare, sinistrè autem usurpatas, destruere & perimere vitam.

## L X.

Imprimis cùm constet, quod ob totius certorumvis visceraum vitium, qui naturâ debiles sunt & valetudinarii, ob exactum tamen vitæ regimen, diutiùs plerumque, aliis exquisitè sanis, vivant.

## L XI.

Et vicissim, quod naturâ validi crebriùs præmaturâ morte abripiantur,

ripiantur, nempe quod corporis robore freti, de vita & viribus  
muniendis, minimè solliciti, impunè genio suo aliquandiu in-  
dulgentes & in salubrem Medicinam impingentes, tandem,  
*ebet!* ex inopinato demetuntur.

### L XII.

Hactenùs Vitæ, hujusq; accidentium, vivacitatis & vitæ bre-  
vitatis essentiam, subiectum, & potiores recensuimus causas  
effectrices, de Morte, quæ vitam excipit, & umbra velut, corpus  
immediatè sequitur: in specie, addenda quædam restant.

### L XIII.

Omnium Animæ, animatiq; corporis functionum, Mors est  
cessatio, ob nativi caloris extinctionē in primis, dissipationem  
item humidi radicalis, Animæ denique ex corpore discessum,  
& compositi dissolutionem, facta.

### L XIV.

Diximus Mortem, omnium Animæ functionum esse priva-  
tionem, ad differentiam Syncopis, Somni, & Affectuum sopor-  
osorum.

### L XV.

In somno equidem, animales feriantur quasi & cessant a-  
ctiones, Intellexus putà, Sensus & Motus arbitrarii.

### L XVI.

Pulsatilis virtus, per quietem, inter singulas arteriarum dia-  
stolas & systolas, quæ intercedit refocillatur; Alterna similiter  
illæ naturalium actionum vicissitudines, quatenus, una agente  
facultate, altera otiaatur, Naturalis anima, ne exolvatur, im-  
pediunt.

### L XVII.

Omnem denique actionem, in quietem terminari oportet:  
*Sola interim Mors*, universalissima quies, omnes cessare facit, fi-  
nit & concindit, animati corporis functiones.

### L XVIII.

Causæ mortis, ex prægressis quanquam apertæ sint, doctri-  
næ causâ tamen, illas distinguimus in Externas & Internas, & has  
in Antecedentes & Proximas subdividimus. Externæ Mortis cau-  
sæ, necessariæ simul & fortuitæ, manifestiores, quam ut pluri-  
bus iterari debeant.

## L X I X.

*Ad internas antecedentes, referimus cum Galeno, tres illas fatalis nostri interitus, necessitates inevitables, quas recenset Gal. in principio statim, l. de tuend. sanit. videlicet, I. generationis nostræ primordiorum contrarietas; II. perpetua in se se invicem illorū actio passio; III. perennis corporis nostri substantiæ dissipatio.*

## L X X.

*Quem in sensum l.c. ita loquitur: licet predictas causas externas omnes, nos assiduè circumstantes, suaq; vi, huc & illuc traducentes, devitaremus summo studio, nec ullus earum immineret appulsus, ob ipsorum tamen generationis nostræ principiorum se se mutuò hebetantium contrarietatem, in viventibus perpetuò exerentem se eorundem propter conflitum mutuum, assiduumq; corporum nostrorum fluorem, decursu etatis, à primæva laudabili constitutione, sensim in ignobiliorē contendentes, plus, plusq; siccati, labascimur, & demùm satis superq; labefactati, corruimus.*

## L X X I.

*Hinc irrequieta illa, viventium corporum immutatio, hinc caloris insiti, humidiq; primigenii irreparabilis jactura, hinc inevitabilis animalium interitus manat necessitas; quæ si exquisitissima vivendi lege præcaveri posset, perpetuari utique posset, animans.*

## L X X I I.

*Ast perpetuum, propter calidi, in humidum actionem, hujusque paulatinam consumptionem, fit, ut nihil quidquam toto hoc in universo reperiatur, quod perpetuò, eodem persistat in statu, sed uniuscujusque vita, tempus determinatum habeat, & ita antecedentes mortis causa habent se se.*

## L X X I I I.

*Proxima ejusdem interitus causa in Definitione proposita: est totalis humidi consumptio, & insiti caloris extinctio, quam immediate Animæ ex corpore excipit discessus, & mixti dissolutio.*

## L X X I V.

*Nimirum calore insito, Animæ administristro principalissimo, illius, quin & corporis, vinculo velut ac nexu arctissimo, intereunte, Animam in corpore permanere est impossibile.*

## L X X V.

## LXXV.

*Et quâ sublatâ mixti permixtione & harmonia, (calore s. insito) mixtum constare amplius posset?*

## LXXVI.

*Extinguitur porrò calor insitus, aut per se aut per accidens, per se quidem, à contrariâ sibi ambientis aëris, aquæ, & omnis generis assumtorum impensisimâ frigiditate.*

## LXXVII.

*Per accidens autem à causis Externis, Internis.*

## LXXIX.

*Illi, ut iis quæ vulnerant, contundunt, secant.*

## LXXIX.

*Insuper ob aëris seu defectum (in strangulatione suffocatione) seu, malignitatem (in pestilentia) seu immoderatissimam caliditatem, calorem insitum, ad externa immoderatissimè provocantem.*

## LXXX.

*Deniq; externorum alimentorum propter pravitatem, inopiam, & copiam indecētem, ut videre est in Fame & Ingluvie.*

## LXXXI.

*Hicce, videlicet nativi caloris partim ob inhibitum motum liberum (in venarum & arteriarum interceptione & stipatione extrema.)*

## LXXXII.

*Partim ob internum pabulum tūm nimis adauctum (in plethora ad vasa) tūm penitus consumptum, quò fit ut nativus calor, in senibus, perinde ut lucernæ flāma, absunto oleo sponte extinguitur.*

## LXXXIII.

*Quibus positis, simul apparet, nativum calorem omnino elementarem, de Ignis & Aëris Elementi, naturā, participare.*

## LXXXIV.

*Quâ enim alias, tot tamq; variis modis, à substantiis revera sublunaribus, patetetur, & tandem planè superaretur?*

## LXXXV.

*Quibus accedunt, quòd c'mni ex parte elementari foveatur alimento, externo interno.*

## LXXXVI.

Motu sublunaribus corporibus proprio, movetur simpliciter.

## LXXXVII.

Eius qualitas & quantitas, pro ætatum, anni temporum, aërisque constitutionum varietate, varians: tactus auxilio apprimè dignosci possit.

## LXXXIX.

Quod sanè, (*aetherea ipsius si esset substantia*) fieri nullo modo posset: Cùm Aristot. ex sententia, quæ in se se vicissim agunt & patiuntur, subiectam naturam obtineant congenerem.

## LXXXIX.

Liquet etiam ex prædictis, duplex esse omne mortis genus, omnemque Mortem, Violentam esse aut Naturalem.

## X C.

*Illa*, à forinsecùs corpus subeuntibus; *Hæc*, ipso in animante consistentibus à causis, oritur.

## XCI.

Contingit ergo Naturalis mors, ob vitalis calidi & humidi primigenii, defectum ac extinctionem.

## XCII.

In *Plantis*, ariditas, in *Animalibus*, senectus vocatur, indolens planè, & insensibilis.

## XCIII.

Sola enim illa, quæ violenter affatim & p.n. in nobis fit passio, molesta est & dolorosa, ut Plato scribit in Timæo.

## XCIV.

*Naturalis dicitur*, quòd absente omni vi externa & violenta, ipsam rei quæ moritur naturam, consequatur; adeoq; ex causis in eadem re comprehensis, communem juxta naturæ cursum, fiat.

## XCV.

*In violenta Morte*, neutquam paulatim imminutus evanescit, sed repente, externis à principiis evertitur, calor.

## XCVI.

Eius si eventus fortuitos species, innumerabilia: causas autem propria-

*propinquas si respicias, duo potissima constituuntur genera: Maransis & Sbesis, sive Marcor & Extinctio.*

### XCVII.

*Maransis violenta, ad Marasini senilis differentiam, sic dicta, sit in vaporibus e. g. ubi summa à caliditate ambientis aëris, vivificus calor intenditur, intensior redditus proprio seipsum quasi jugulat gladio, atque ad ambitum corporis violenter protractus, suffocatur ibi & supprimitur.*

### XCIIX.

*In Sbesi econtrà, à contrario frigore, calor pessundatur, & evincitur in illis e. g. qui hyberno tempore, nivosas pertranseunt alpes aut in aestate, sub caniculâ sitim restincturi, frigidorem asfatim hauriunt aquam.*

### XCIX.

*Denique in omnis generis morbis frigidioribus, calorem indies extingui & evinci, quotidiana comprobat experientia.*

### C.

Et hæc quidem de Vita & Morte, utriusque item adjunctis & causis, ad disputandum pro intelligentiæ meæ modulo proferre placuit. DEO TER OPTIMO MAXIMO VITÆ INDEFICIENTIS AUCTORI, LUMINUMQUE PATRI, SIT

LAUS, HONOR ET GLORIA IN  
SECULA SECULORUM.

F I N I S.



ପ୍ରତିବନ୍ଦିତ ପରିବାର ପରିବାର ପରିବାର ପରିବାର ପରିବାର

Quæritur:

1. Solā ne vivunt animantia?
2. Vivūnt ne Spiritus, humores, pili, ungues, &c.?
3. Solūs ne Calor, Vita auctor, conservator?
4. Qui ergo frigidissima vivunt gressilia, & aestuosisima, vitâ carent, subterranea?
5. Calidūm ne & Humidū, an potius Cor, Vita sit principiū?
6. An ergo, Vitam habent, Corde, quaecunque destituuntur insecta, vegetabilia?
7. Calor & humiditas, in viventibus, cujus naturæ sunt & originis? Specie, an differunt?
8. Si homo tēperatissimus, quidnī etiam animantiū omniū vivacissimus? quidnī cæterorum ad-instar animaliū, uterum egressus; confessim in pedes sese attollat, & incedat?
9. Longævitatis causa, an fellis est absentia? Signum, an dentium robur?
10. Hoc seculo, cur breviūs, quam Protoplasti Adami temporibus, vivitur?
11. Hic, vitalis arboris fructū, frui si potuisset, nūm in perpetuum vixisset?
12. Hominis Vita, arte Medicâ, an prolongari potest?
13. Potest ne, absg, Respiratione, Cibo item & Potu, Vita con-
14. An necessariò animal moritur? (servari?)
15. Quæ, fatalis interitus nostri, veræ sunt causæ?
16. Mortis tempus & terminus, veré ne prædicti potest, præsciri, & præteriri?
17. Utrūm, morientes, reverâ, & necessariò doleant?
18. Nūm Cor, ultimum moriens?
19. Exempto corde, an confessim mors sequitur?
20. Quod nam, ex visceribus principibus, potiorem, ad vitam & mortem, confert vim?

Móvw τῷ Θεῷ δέξα.

Nobili, & Ornatisimo

D. IOHANNI PFANNER O,  
AUSTRIQ, JUVENI, GENIO ET IN-  
genio florentiss. Mystæ Apollinæo,

DE VITA ET MORTE,

Rauracum in Athenæo

Τὸς λόγος ὃς ἔχει μελέσοι,

gratulantur & applaudunt Amici.

VITA quid hæc nostra est? quid VITÆ terminus  
instans?

Hæc lege, Pfannerus quæ pandit dogmata: punctum  
Qui tenet omne, Choro Phœbi applaudēte, recludit  
Dum Vitæ, Mortisq; vices, quibus angimur omnes.

GREGOR. HORSTIVS D. Reipub. Ulmensis Archiater.

VITÆ Corpus valeat, Mentem sapientia tingat;  
Mens, manibus certam sacra, ministrat opem.

Mente senex IANE esse cupis, florente juventa  
Nec fuko tingis, sed Ratione comas.

Fronte verecundus nites, & pectore frugi  
Hâc, Virtus & Honos, arce, perennis ovat.

Quod probat insignis tua Dissertatio testis:  
Quâ, quid sit monstras, Vitaque Morsque simul.

Quod opus haud juvenum est, opus est sed in arte peritum  
Judiciumq; sapit, hocce virile tuum.

In vita stadio, Mortis qui spicula pensat,  
Mortiferam, moriens non videt ille diem:

Enthea, sublimem, sed mens concedit Olympum.  
Hic tibi & in Vita, Morteque portus erit.

E. STUPANVS D. & Profes. Medicinæ ordinar.

**P**raedoctis placuisse Viris, laudabile certè est:  
Doctrinâ aquare hos, est mage laudis opus.  
Fortiter ergo tuis, P F A N N E R E, insistere cæptis  
Perge: tuum victrix palma coronet opus.  
Vive diu; sed vive Deo: discrimina mortis  
Sperne: graves morbos pelle: perennis eris.

M. JOHANNES BVXTORFIUS  
Linguæ sanctæ Prof.

**Q**uid vita? est fragilis: quid forma? est fluxa:  
quid aurum?  
Est liquidū: quid homo? est ventus, & aura levis.  
Ergo quid est certum? Mors rerum certa ruina,  
Imperio cuius, cuncta parere jubet.  
Quam velle effugere, est stultum; quam velle timere,  
Est miserum, solus, sola medela, D e s v s.  
Nec mirum, superest splendenti splendida sedes,  
Terra parum splendet, possidet ergo polum.

*Augustæ Vindelicorum, scripsit memoria ergò*

**E**LIAS EHINGER, Augustani Gymnasii Rector  
& Bibliothecarius, postridie Palmarum, D<sup>o</sup>  
M D C X X V I I .

**Q**ui benè PRO vita, CONTRA qui funera dextrè  
Disputat, is, laudem cur mereatur, habet.  
Non ita tu partes dirimis, Pfannere: disertas  
Sed benè PRO membro scribis utroque theses.  
Has ut defendas benè, comprecor. hinc tibi Vita,  
Hinc tibi debebit Mors etiam ipsa decus.  
Dum superes, Vitæ mactabit adorea. Vitâ  
Exieris; nomen nobile Morta dabit.

*Ita ominabatur benevolentí affectu*

**S**EBAST. STROMA J E R M. D. Reipubl. Ulmensis  
Patriæ Physicus Ordinarius.

**P**FANNERE Aonios flos nobilis inter alumnos,  
Quem BASILEA suo suscipit ampla sinu.  
**N**unc rerum ingenii ille tui sese exerit ardor,  
Illaque vis vivax indolis alta tuæ.  
**A**cer Academiæ dum publica pulpita scandis,  
Et Medicum gaudes enucleare sophos:  
Hoc faveo decus; & tantum tibi grator honorem,  
Atque Tibi atque Tuis ID voveo esse BONUM!  
**P**ergere perge viam hanc; contentos ritè labores,  
Atque animi nervos clara brabeja manent.  
**I**ngeniique solo te felix ala levabit,  
Et gignet famæ secula multa tuæ.  
**U**rge opus, ac insta Medicam meruisse Tiaram,  
Quam capiti imponet tum BASILEA tuo.

O' ἐμὸς ἐρως ἐσάύρωτη.

**A**MOR meus crucifixus est.

*In cruce fixus amor meus est.*

M. Ulrichus Schmidt, Ecclesiæ ULMENSIS Patriæ in summo Templo Verbi divini Minister,  
& Hebr. Græcæq; Lingg. Prof. publ.

**H**actenus in Themidos sacro Eunomiesq; recessu  
Sudasti, & prisca multus in Historia:  
Nunc placet ante alias Serpens Epidaurius artes,  
Et Cous primas, ac Aretæus habent.  
**C**ulpet id haud nemo: falsò culpare docebo..  
Quippe ordo studii nobilis ille placet:  
**C**ùm primas animus, corpus Cùm deinde secundas  
Obtinet, ac tempus fervet utrique suum.  
**T**u, quæ prima, prius; quæ deinde secunda, secutus  
Posterius, membro laudem ab utroque feres.  
**Q**uaeq; paras Vitæ scitamenta, atque sororum  
Trigæ, quo Vitæ volvere fila solent:  
**I**lla tibi Vitam producent: ipsaq; Parca,  
Vivere te, vel post filâ resectâ, yolet..

Eὐοϊκῶς πάνυ d. J. B. Hebenstreitt.

**Q**uid MORS sit, quid VITA docens; quæ causæ utriusque  
Quæ bona, quæ mala sint; quot comitentur ea;  
Totius Artis opes medicæ, secretaq; prodis;  
Seu magis ingenii munera rara tui.  
Munera, crede mihi, rara isthac flore juventæ,  
Quanta senescenti tempore vix alii.  
Perge ita, in exilio constantis magna Parentis  
Spes, reliquasq; brevi promoto mentis opes.  
Disputa, & hoc felix certamen nobile certa:  
Nec dubita; Fama hinc gestit abire domum.  
Te plura ora legent, & secum plurimus hospes  
Ad patrias sedes hinc tua scripta feret.  
Nunc age, & has ipsas, memoras quas ordine, causas  
Exsequere; aut remove voce, manu, calamo.  
Telaq; protela diræ velocia Mortis,  
Atque retardato tartarei ora Canis.  
Balsama tabidulis Vitæ pretiosa foveto:  
Sic Vitâ clarus, Morteque semper eris:  
Vitâ, tutando Vitam; tûm Morte, fugando  
Mortem, prescriptos à Deo ad usque dies.  
Ille DEVS, Vitæ Mortisque ille Arbiter, horæ  
Ducat in immensum fila suprema tuæ:  
Ne tñm præcipiti veniant tua Fata volatu;  
Atque ita spes maneat nostra, Patris, Patriæ.

Boni ominis ergò P.

JOHANNES MELDER, Ulmensis,  
Medic. Studios.

